

GOUVERNEMENT  
DE LA REPUBLIQUE  
DE VANUATU

DEPARTEMENT DE L'EDUCATION ET  
DE LA FORMATION

Service Educatif  
Sac Postal Réservé 028  
Port Vila - Vanuatu  
Tel : (678) 22309 - Fax : 23289



GOVERNMENT  
OF THE REPUBLIC  
OF VANUATU

DEPARTMENT OF EDUCATION AND  
TRAINING

Education Services  
Private Mail Bag 028  
Port Vila - Vanuatu  
Tel : (678) 22309 - Fax : 23289

### Sekula blong Rimaenem evri skul long Sefti blong Covid19

So fa Vanuatu i no rikodem eni keis blong Covid19 iet be yumi notisim plante wiknes finis i stap kamaot long ol pablik ples blong yumi. Plante oli nomo stap folem ol rul blong stap helti oltaem. Long olketa skul blong yumi tu i kat plante konsen se yumi nomo stap folem ol strik rul blong stap seif. Yumi wantem se ol pikinini mo skul komiuniti oli gohet blong praktisim mo folem ol rul blong stap seif oltaem insaet long olketa skul seting blong yumi.

#### **Olketa rikwaemen blong ol skul blong yumi**

##### **1. OL STESEN BLONG WASEM HAN**

- Olketa prinsipol tru long handiman o helt tija i mas meksua se i kat ples blong wasem han wetem sop long foret blong ol impoten pat blong skul olsem entrens blong skul, long foret blong wanwan klasrum. I mas kat wan shelta blong mekem iven sapos weta i nokut be evriwan i kohet blong wasem hand wetem sop.
- No wasem han insaet long wan dis. Mas wasem han long raning wota olsem tap, o tip tap o baket we i kat wan kontena blong kasemaot wota long hem o baket we i kat tap long hem. Nomoli evri provins oli risivim ol baket blong wasem han blong sendem i ko long wanwan skul, wetem sop.
- Ol kontena i mas kat wota oltaem insaet mo i mas kat sop blong wasem han.
- I kat ol pikja blong wasem han long ples blong wasem han.
- I kat wan skul rep olsem tija, o parent blong rimaenem ol bikman blong wasem han, mo wan student rep evritaem blong i rimaenem kut ol narafala student long wan kutfala fasin, blong wasem han wetem sop.
- Evritaem wan man i ko aotsaet long klasrum, ofis, o skul yad, be taem hemi kambak, hem i **MAS WASEM HAND wetem SOP** bifo hem i kambak insaet. Hemi duti blong evriwan blong kaenli rimaen eniwan we i stap kam insaet long eria blong skul, ofis blong skul o eni bilding blong skul we i kat man insaet long hem.
- Sapos i nokat fanis long skul be i mas kat ples blong wasem han long foret blong evri bilding blong skul we yumi usim.

##### **2. Ol narafala sefti rul blong Covid19**

- Ol tija, helt woka mo het student i mas kohet blong trenem ol fren blong olketa blong kof o snis i ko long bend elbow blong olketa o tisiu we oli sakem wantaem i ko long basket toti.
- Ol tija mo studen i mas stat lan blong praktisim fasin blong stap long haos taem oli kat ol saen blong flu, mo folem ol strik rul blong sefti taem oli stap long wan ples we i kat ol

man oli kasem flu. Hemia i minim se evriwan long skul i mas lukaotem kut olketa blong no kasem flu. Taem i ren kaveremap yu wetem umbrella o werem renkot be no wetwet. Taem ples i kolkol, werem wom klos.

- Taem yumi save se yumi kasem flu, yumi mas tring plante klin wota, kakae plante vejetebol mo fruit, slip o rest plante.
- Usum alkol o blij blong klinim o waepem ol handel blong do mo ol sefes we man i usim plante.
- Ol pikinini we oli klinim klasrum oli mas wasem kut han blong olketa wetem sop.

### 3. Kontrollem ol muvmen insaet long skul

- Evri memba blong skul i mas kat wan ID, ol student oli save karem VEMIS namba blong olketa. Eni aotsaeda i mas saen long wan visitor's buk.

### 4. Ol parent mo gadien

- Yumi enkarejem evri skul blong oli rimaenem ol parent o gadien blong oli folem ol sem strik rul blong stap seif mo mekem se skul mo komiuniti hemi Covid19 fri

#### Notem kut:

Vanuatu i nokat eni keis blong Covid19 iet be yumi wantem se olketa pikinini blong yumi mo olketa skul komiuniti blong yumi oli remain awea se enitaem situesen i save jenis. So yumi mas jenisim ol praktis blong yumi mo kam mo klin blong kipim ol viras longwe long yumi.

Tankiu tumas blong harem save long remaenda note ia blong kipim ol skul, ol pikinin mo Vanuatu I fri long Covid19.



Samuel Katipa  
Direkta blong Edukesen Sevis

